



01296

欽定續通典卷一百四

兵

圍敵勿周

明劉江伏兵敗倭賊奔櫻桃空堡中官軍環攻之將士欲入堡勦殺江故開西壁以縱之仍分兩翼夾擊擒斬無算諸將問故江曰賊既入堡唯有死鬪我兵多傷縱以出路而後掩擊圍師必闕之法也又彭澤討蜀盜餘黨廖麻子賊大敗逃入菁棘中澤分兵溢出入奪水道度窘開一面縱其出走夾擊之且盡

欽定續通典

卷一百四

圍師量無外援緩攻取之

唐末朱全忠將率兵西懼王珂在河中爲患命張存敬侯言以兵出含山破晉絳二州遣何綱以兵守之絕晉援存敬屯河中珂急救於晉晉以綱故不得前珂卒爲全忠所俘

五代周世宗南征圍濠州濠州刺史郭廷謂告於周曰臣不能守一州以抗王師然願請命於唐而後降世宗爲之緩攻廷謂遣人請命於李景景許其降乃降

元世祖至元初年阿爾哈雅與元帥阿珠劉整取襄陽

帝遣諸將命毋攻城但圍之以俟其自降乃築長圍起萬山包百丈楚山盡鹿門以絕之又益都李璲及徐州總管李果克俱叛史天澤薦郭侃召入見世祖問計將安出對曰羣盜竊發猶柙中虎內無資糧外無救援築城環之坐待其困計曰可破也帝然之

### 攻城戰具附

唐侯君集伐高昌高昌嬰城而守先是大軍之發也凡善爲攻城器者悉遣從軍君集遂刊木填隍推撞車撞其睥睨拋車飛石擊其城中其所當者無不靡碎城上守陴者不復得立遂拔之

欽定續通典

卷一百四

二

五代周世宗親征淮南幸水岩行至泥橋自取石一塊於馬上持之至砦以供飛礮文武從臣過橋者皆齎一石

元師至沁達噶城烏蘭哈達病委軍事於阿珠環城立砲以草填塹衆軍始集阿珠所部搏戰城上城遂破又索多攻潮州知府馬發城守嚴備索多塞塹填濠造雲梯鴟車日夜急攻馬發潛遣人焚之二十餘日不能下索多合於衆曰有能先登者拜爵已仕者增秩總管烏

蘭噶爾先登諸將繼之戰至夕宋兵潰又史天倪從穆呼哩徇河東至絳州其圍樓鬣以石牢不可破天倪命穴其旁地虛樓陷遂拔之又武仙復叛據邢何實帥師五千圍之立雲梯先士卒登堞橫稍突之城破武仙走又察罕特穆爾圍益都環城列營凡數十大治攻具百道並進賊守益固復掘重塹築長圍遏南洋河以灌城中仍令分守要害收輯流亡郡縣戶口再歸職方號令煥然又田豐王士誠復叛庫庫特穆爾討之攻城甚急而守愈堅乃穴地通道以入執其渠魁陳猱頭二百餘人

欽定續通典

卷一百四

三

明徐達會諸將兵進逼姑蘇四面築長圍困之又架木塔與城中浮屠等築敵樓三層下瞰城中置弓弩火銃於上又設襄陽礮以擊之礮著物皆碎礮風著人皆死城中大恐士誠屢出挑戰皆忽忽無計又郭登爲將常以馬少步卒不能追賊乃以已意設爲攪地龍飛天網等法鑿爲深塹覆以土木人馬行如平地敵入圍中令人發其機自相擊撞頃刻十餘里皆陷又用砲石擊賊一發五百餘步人馬死者數千敵驚以爲神云又李賢

爲兵部侍郎上言敵所以敢輕中國者恃其弓馬之強而已觀今之拒馬木止能拒馬不能拒箭挨牌止能避箭不能拒馬今中國長策當用衛青武剛車法車製四圍箱板內藏人下留銃眼上開小牕長一丈五尺高六尺五寸前後左右橫排搶頭每車前後占地五步若用車一千輛一面二百五十輛約長四里行止自如中藏軍馬糧草輜重遇敵則可遏其弓馬仍以火砲助之奇兵翼之庶幾取便克敵

絕糧道及輜重

欽定續通典

卷一百四

四

宋李繼隆爲河西都部署會密詔廢夏州城繼隆入秦以爲朔方古雄鎮賊所窺覲存之可依以破賊并請於銀夏山界中增置堡戍以爲屬番障蔽且可斷賊糧道遼太祖天顯初佛德爲南院額爾音木石敬瑭破張敬達軍於太原北時佛德勒兵爲援敬達道敬瑭追至晉安寨圍之佛德領輕騎襲潞州塞其餉道唐諸將懼殺敬達以降又耶律圖勒錦從討石重貴杜重威擁十萬餘衆拒淳沱橋力戰數日不得進圖勒錦曰漢人足力弱而行緩如選輕銳騎先絕其餉道則事蔑不濟矣帝

喜曰國強則其人賢海巨則其魚大於是塞其餉道數出以牽撓其勢重威果出降

金圖克坦喀齊喀駐軍水洛城東宋將吳璘分軍守秦州喀齊喀自六盤山至石山頭分兵守之斷其餉道璘乃引歸

元夏貴舉淮西諸城來附阿珠諸將曰今宋已亡獨李庭芝未下以外助猶多故也若絕其聲援塞彼糧道尙恐東走通泰逃命江淮乃柵揚州之西北丁村以阨其高郵寶應之餽運貯粟灣頭堡以備捍禦留屯新城以欽定續通典

卷一百四

五

逼泰州又遣千戶巴延急爾率甲騎三百助灣頭之兵又阿珠過襄陽駐馬虎頭山指漢東白河口曰若築壘於此襄陽糧道可斷也遂築鹿門新城等堡繼又築臺漢水中與夾江堡相應自是宋兵援襄者不能進阿珠抵揚州卽造樓櫓戰具於瓜洲漕粟於真州樹柵以斷其糧道

明太祖與陳友諒戰鄱陽湖太祖移舟扼上流別出奇兵絕糧道凡旬五日友諒乏食左右多降友諒迫以百艘突犯湖口太祖斃之自晨至酉友諒中流矢死又成

祖以南軍聚德州資糧皆道徐沛遂遣將李遠等率輕騎六千詣徐沛令易士卒甲冑與南師同使不疑又恐接戰不能辨令人插柳枝於背爲識且戒毋多虐百姓遠等由臨清至徐沛敵皆不疑乃縱火焚糧舟數萬艘軍資器械俱盡河水爲熱魚鱉皆浮死南軍糧餉遂艱京師大震

火攻

唐李孝逸魏元忠破徐敬業敬猷于淮陰乃進軍與敬業隔溪相拒前軍爲賊所破孝逸懼欲退元忠曰順風

欽定續通典

卷一百四

六

荻乾火攻之利固請決戰乃平敬業又高仁厚討東川韓秀昇以銳兵負岸而陣使遊兵逼賊久不戰乃以千卒直薄營火而噪之秀昇率舟師救火仁厚遣人驚沒鑿舟皆沉衆潰執秀昇降又昭宗乾寧中朱全忠領大軍自鄆州東路北次於魚山攻朱瑄方整軍出寨瑄與弟瑾已陣於前須臾東南風大起汴軍旌旗失次甚有懼色時兩軍皆在草茭中全忠因令縱火焰焰亘天乘勝以攻賊陣瑄瑾大敗殺萬餘人衆壅入清河因築京觀於魚山下

五代唐康延孝拔董璋往破之。延孝入漢州閉城不出。漢州無城，塹樹竹木爲柵。璋帥諸軍鼓譟而進，四面縱火。風烟亘天，延孝急引騎出陣，又敗。與十餘騎奔綿竹，追擒之。

宋總管李寶統舟師救海州。追敵至膠西石臼島，敵舟已出海口，泊唐島，相距僅一山。時北風盛，寶禱于石臼神，俄有風自桅樓中來，眾感奮，待戰。敵操舟者皆中原遺民，遙見寶船，給敵入舟中，使不知救兵。猝至，會風馳舟疾，敵大驚，舉帆帆皆因風浪捲聚一隅，窘束無復行。

欽定續通典

卷一百四

七

次寶亟命火箭環射中敵舟，延燒數百艘，斬其帥六人。火四晝夜不絕，焚溺斬獲無算。

金布孛與烏春烏木罕結約，烏春舉兵度嶺，世祖駐軍溫丕村，以待之。進至蘇素海甸，兩軍皆陣，將戰。世祖命肅宗以左軍戰，實喇蘇卜實助之。肅宗東緹縱火，大風從後起，火熾烈。時八月，野草尙青，火盡燎烟焰漲天。烏春軍在下，風肅宗自上風擊之，烏春大敗，而城蘇素海甸以據之。

元時宋兩淮鎮將張世傑孫虎臣以舟師萬艘駐焦山。



東每十船爲一舫聯以鐵鎖以示必死元將阿珠登石  
公山望之舫艫連接旌旗蔽江曰可燒而走也遂遣強  
健善射者千人載以巨艦分兩翼夾射阿珠居中合勢  
進擊繼以火矢燒其篷檣烟焰漲天宋兵旣斃舟死戰  
至是欲走不能前軍爭赴水死後軍散走追至圖山獲  
黃白鷓船七百餘艘自是宋人不復能軍矣

明太祖與陳友諒鄱陽湖大戰友諒悉巨舟連鎖爲陣  
旌旗樓櫓望之如山明師舟小怯於仰攻多退縮太祖  
親執旗麾之不前命斬隊長十餘人郭興進曰舟大小

欽定續通典

卷一百四

八

不敵非火攻不可太祖命常遇春俞通海等將舟盡扼  
上流通海分調漁舟載荻葦置火藥其中時東北風起  
乘風縱火焚其舟數百艘友諒弟友仁友貴等皆焚死  
又胡宗憲督剿海賊徐海陳東時二賊各擁兵自衛令  
間說東謂海約官兵將圍東東黨果疑海宗憲叱土司  
兵夾攻會風勢猛烈磨衆各持一炬縱火焚之海窘甚  
投水死

火兵附

宋潘美伐劉鋹距廣州百二十里鋹兵十五萬依山谷

堅壁以待美因築壘休兵與諸將計曰彼編竹爲柵若  
攻之以火彼必潰亂因以銳師夾擊之萬全策也遂分  
遣丁夫數千人入持二炬間道造其柵及夜萬炬俱發  
會天大風火勢甚熾衆驚擾美揮兵急擊之衆大  
敗

元大軍伐蜀皇子出大散關分兵合宗王穆濟等出陰  
平郡期會於成都安扎爾領砲手兵爲先鋒破宕昌殘  
階州

宋 火獸附

欽定續通典

卷一百四

九

宋趙適在瀘南討晏州夷卜漏等漏據山爲寨壘石樹  
柵適軍不能進乃遣思岑土丁伐木緣岸得猱數十頭  
束麻灌脂於背率衆入賊柵出火燃炬猱奔賊舍舍  
皆竹茅火大發賊驚擾不能相救遂擒漏

明福清石竺山多猴千百爲羣成繼光剿倭時屯兵於  
此每教軍士放火器狙窺而習之乃命軍士捕數百善  
養之仍令習火器以爲常比賊至伏兵山谷中而令羣  
狙闖其營賊不虞也少頃火器俱發霹靂震地賊大驚

駭伏發殲焉

火禽附

孫子火墜周亮輔纂孫子作火隊註云臨戰之時火礮火車之外又有火燕焚燒其隊伍使亂因而擊之

火盜附

五代晉時梁軍破棗強符存審扼下博橋史建瑭率百騎爲梁旗幟雜梁芻牧者夜叩梁營斬其守門卒縱火大呼斬擊數十百人梁祖夜拔營去

火弩附

元郭寶玉從太祖伐西番次阿穆爾河敵築十餘壘陳船河中俄風濤暴起寶玉令發火弩射其船一時延燒乘勝直前破護岸兵五萬

欽定續通典

卷一百四

十

臣等謹案杜氏通典火攻之後附以火兵火獸火

禽火盜火弩蓋卽火攻之具杜氏特詳其制後之

行軍者往往用之今依次纂入又如金以勅黃紙

十六重爲筒長二尺許實以柳炭鐵滓磁末硫黃

砒霜以繩繫槍端軍士各懸小鐵罐藏火臨陣燒

之焰出槍前丈餘藥盡而筒不損謂之火槍又有

火炮名震天雷者用鐵罐盛藥以火點之所發圍

半里已上火點著鐵甲皆透明曾銳在邊置慢砲  
法砲圓如斗中藏機巧火線至一二時纔發外以  
五采飾之敵拾得者駭爲異物聚觀傳玩者墻擁  
須臾藥發死傷甚衆又製地雷穴地丈餘許櫃藥  
於中以石滿覆更覆以沙令與地平伏火於下可  
以經月繫其發機於地面過者蹴機則火墜藥發  
石飛墜殺人敵驚以爲神此皆火攻之具也今不  
另分列門類謹附載於此

禦火攻附

欽定續通典

卷一百四

十一

唐末王重師爲潁州刺史從梁太祖攻濮州縱兵壞其  
墉濮人因屯火塞其壞壘烟焰亘空人莫敢越重師方  
苦金瘡卧軍次諸將勉之乃躍起命將士悉取軍中氊  
罽投水中擲於火上重師率精銳持短兵突入諸軍踵  
之濮州乃陷

宋冀州將官李政備守有方紀律嚴明一日金人登城  
火其門樓政以重賞募死士撲之俄有數千人皆以濕  
氊裹身躍火而進大呼力戰金人解去城賴以全後政  
死而城失守又王德旣破邵青謀言青復索戰將用火

牛德笑曰此古法也可一不可再命合軍時萬弩齊發  
牛皆反奔賊衆盡殲青遂面縛執送行在

臣

等謹按杜氏通典火攻言我以火攻敵也若敵

用火攻尤當思所以禦之通典未及此今謹增入

乘風取勝

五代晉時契丹入寇杜重威領兵至白團衛村下營敵  
騎環繞之奇兵出寨後斷糧道是夜東北風大起破屋  
折木營中掘井輒壞人馬俱渴契丹主令其衆曰晉軍  
止此耳當盡擒之命鐵鷁軍四面下馬拔鹿角而入奮

欽定續通典

卷一百四

三

短兵以擊晉軍又順風縱火揚塵以助其勢至曙風尤  
甚時晉師居下風弓弩無所施李守貞曰此風助我也  
彼衆我寡風沙之內莫測多少奮命格鬪疆者必勝如  
俟風止我無瞧類矣張彥澤召諸將問計藥元福曰敵  
謂我不能逆風以戰宜出其不意以擊之此亦兵家詭  
道也符彥卿曰與其束手就擒曷若以身徇國乃與元  
福等引精騎出西門擊賊諸將繼之契丹却數百步彥  
卿謂守貞且曳隊往來乎直前奮擊以勝爲度乎守貞  
曰事勢如此安可回輜宜長驅取勝耳彥卿等躍馬而

去風勢益甚昏晦如夜乃擁萬餘騎橫擊契丹呼聲動  
天地契丹大敗而走  
金太祖會遼都統蕭哈哩副都統托卜嘉於鴨子河將  
及河遼兵方壞陵道金選壯士十輩擊走之大軍繼進  
遂登岸甲士三千七百至者纔三之一俄與敵遇於出  
河店會大風起塵埃蔽天乘風勢擊之遼兵潰遂至沃  
稜梁

元星節復池州進據清水灣伺者告賊艦至自上流順  
風舉帆衆數十倍諸將失色星節曰無傷也風勢盛彼

欽定續通典

卷一百四

三

倉猝不得泊但伏橫港中偃旗以待俟過而擊之無不  
勝矣風怒水駛賊奄忽而過乃命舉旗張帆鼓譟而薄  
之官軍殊死鬪風反爲我用大克之又金將李伯祥據  
趙州穆呼哩遣王義擣其城會天大風雨義帥壯士挾  
長梯疾趨夜四鼓四面齊集登城殺守陴者城中亂伯  
祥挺身走天壇寨一州遂定又巴延伐宋命呂文煥招  
降郢州守將王虎臣王大用不應日暮風大起巴延命  
順風掣金汁砲焚其廬舍烟焰漲天城破屠之

明成祖與盛庸軍遇南兵軍西南北兵軍東北交戰未

分勝負忽東北風大作塵起蔽天砂礫擊面人咫尺不相見成祖麾兵乘風大呼縱左右翼橫擊之鉦鼓之聲震地南兵大敗追至溇沱河斬溺死者不可勝計降者悉縱遣之又成祖與李景隆大戰於白溝河先爲瞿能平安所勝得高煦帥精騎數千合戰會大風起南師陣少動乃以勁騎繞出其後突入馳擊遂斬能於陣安亦敗乘風縱火南師大潰盡棄其輜重以遁斬溺數十萬降者數萬人

水攻

欽定續通典

卷一百四

十四

五代梁太祖遣丁會將兵攻宿州刺史張筠堅守丁會乃率衆於州東築堰壅汴水以浸城筠乃降宿州平大舉南伐命龐師古以徐宿宋滑之師直趣清口楊行密遣朱瑾領兵以拒師古因決水浸軍初師古營清口其地卑下或請就高爲柵師古以非全忠命不聽淮人決水浸之請者告曰淮人決河上流水至矣師古怒其搖衆斬之已而水至軍不能戰遂見殺

周李重進伐吳破濠州南關城世宗自攻濠州王審琦拔其水寨吳人屯戰船數百於城北植巨木於淮水以

限周兵帝命水軍攻之拔其水寨焚船七十餘艘斬首二千餘級又收其羊馬城中震恐又周師攻吳壽州吳人大發樓船蔽川而下泊於濠泗周師頗不利吳將林仁肇以水陸軍齊進又以船載薪乘風縱火欲焚周所爲浮梁周將張永德使習水者沒其船下繫以鐵鎖急引輕舫擊之吳人船不得進退溺者甚衆奪巨艦數十永德解金帶賞習水者

宋太祖北征王師傅太原命築長堤壅汾水灌其城決晉祠水注城下置寨於城四面逼之太祖幸城北引汾欽定續通典

卷一百四

五

水入堤灌城內又幸城東南命水軍乘小舟載强弩進攻水自城門入而有積草自城中飄出塞之會歲暑雨軍士多疾乃班師其後北漢主決城下水注之臺駘澤水落而城多摧圯契丹使者韓璠璠猶在太原歎曰王師之引水浸城也知其一不知其二若知先浸而後涸則并人無煩矣

金薩滿阿里與高彪監護水運宋以舟師阻亳州河路擊敗之追殺六十餘里獲其將蕭通破漣水水寨賊盡得其大船遂取漣水軍招徠安輯之石州平宗弼再伐



宋薩滿阿里已老督造戰船詔賜薩滿阿里錢千萬白結髮從軍大小數十戰尤習舟楫江淮用兵無役不從時人以水犀目之

元張宏範師次崖山宋軍千餘艘碇於海中建樓櫓其上隱然堅壁也宏範引舟師赴之崖山東西對峙其北水淺舟膠非潮來不可進乃由山之東轉南入大洋始得逼其舟又出奇兵斷其後路燒其官室

明俞通海從征陳友諒戰鄱陽湖建議曰湖水有淺深舟難迴旋不利戰莫若縱之入江先據敵上流迎戰友

欽定續通典

卷一百四

六

諒成擒矣後果然又俞大猷言防江必先防海水兵急於陸兵蓋倭寇長陸戰今樓船高大倭船遇之輒摧壓魚爛固我兵所長也善戰者毋以短擊長而以長制短且海戰無他法在知風候齊號令以大勝小以多勝寡耳於是用舟師戰而舟山積歲不除之賊皆斲

水平及水戰具附

五代周師征南唐李景初無水戰之具已而屢敗景兵獲水戰卒乃造戰艦數百艘使降卒教之水戰又造齊雲船數百艘世宗至楚州北神堰齊雲船大不能過乃

開老鸛河以通之遂至大江景初自恃水戰以周兵非敵且未能至江及見周師列於江次甚盛以爲自天而下乃請降

金海陵王正隆時營汴京新宮張中彥採運關中材木青峯山巨木最多而高深阻絕唐宋以來不能致中彥使構崖駕壑起長橋十數里以車運木若行平地開六盤山水浴之路遂通汴梁明年作河上浮梁復領其役舟之始製匠者未得其法中彥手製小舟纔數寸許不假膠漆而首尾自相鉤帶謂之鼓子卯諸匠無不駭服欽定續通典

卷一百四

七

其智巧如此浮梁巨艦畢功將發旁郡民曳之就水中彥召役夫數十人治地勢順下傾瀉於河取新秫稽密布於地復以大木限其旁臨晨督衆乘霜滑曳之殊不勞力而致諸水

元師逼萬州宋人將舟師數百艘溯流迎戰安扎爾順流率勁兵乘巨筏浮草舟於其間弓弩雨射宋人不能敵敗諸夔門又賈似道都督諸路軍馬十三萬號百萬步軍指揮使孫虎臣爲前鋒淮西制置使夏貴以戰艦二千五百艘橫亘江中似道將後軍巴延命左右翼萬

戶率騎兵夾江而進砲聲震百里宋軍陣動貴先遁以扁舟掠似道船呼曰彼衆我寡勢不支矣似道聞之倉皇失措遽鳴金收軍軍潰衆軍大呼曰宋軍敗矣諸軍戰艦居後者阿珠促騎召之挺身登舟手舵衝敵船舳艫相盪乍分乍合阿珠以小旗麾何瑋李庭等並舟深入巴延命步騎左右犄之追殺百五十餘里溺死無算得船二千餘艘及其軍資器仗圖籍符印又張世傑集海艦千餘艘貫以巨索爲柵以自固李恆斷其汲路其勢日逼諭降不可乃陣於船尾由北面逆行擣其柵索

欽定續通典

卷一百四

六

絕世傑戰死

明戚繼光編水兵法每一寨係一將領者不拘船之大小多寡均勻分派但係一寨之尊不拘叅遊都司把總一例曰主將各量分親船爲中軍司中軍領之緣將領所職應在衝要故多其數以便督進若主將往中左右各司巡邏監督只將中軍隨從便於往來一到彼哨又有該哨相帮卽稱重矣永不許抽零司哨之船若主將仍抽取司哨寸版以致司哨寡弱悞事只重罪主將主將中軍船不及各司數者以其常與一司合爲一處勢

已倍於他哨而船中必擇其第一整大者爲中軍司將  
勢已厚餘分爲中司左司右司每司分二哨共六哨船  
多則加前司後司又加分二哨共十哨每哨船隻大小  
相兼大約十船以下五船以上爲一總哨官領之兩哨  
爲一司分總領之三司二司則爲一部主將領之凡戰  
船上大旂俱用黑布一則便於遠瞭一則合於水性也  
仍用白布取寨名一字大書加於旂心各照方色製以  
號帶每隊長小旂一面各照本船號帶方色凡捕盜專  
管一船之務無所不理凡入船客兵俱聽管束第一當

欽定續通典

卷一百四

五

重其事權俾有專力無掣肘可也舵工兼管舵兼防舵  
門下攻守舵手專管舵正頭前攻守瞭手專管帆檣繩  
索主將調箴斗手遇賊則上斗用犁頭鏢下射賊舟神  
器手專管定發無敵神飛砲掌號手專管接應司哨號  
令及獨船對敵進止號令守艙門者臨敵牢守艙門平  
時管一應家火槓具支銷晝夜出入關防隊長司一隊  
內攻守督兵用命賊近專發火桶平時督兵習藝修治  
軍火器械一號某字船一隻捕盜一名家丁一名舵工

二名斗手三名瞭手二名舵手二名守艙門二名掌號

一名神器四名此一定不可增減兵八隊每隊隊長一名兵十名共八十八名或七隊六隊五隊相船相地損益之後號船皆倣此旗幟方色俱隨本哨

敵半涉水擊必勝

五代晉高祖天福二年范延光反遣其牙將孫銳澶州刺史馮暉以兵二萬距黎陽掠滑衛高祖以楊光遠爲招討使引兵自滑州渡胡梁攻之銳輕脫無謀時軍士若大熱皆不爲用光遠得其謀者知其謀誘銳等渡河半濟而擊之兵多溺死銳暉走入魏閉壁不復出

欽定續通典

卷一百四

三

明胡宗憲剿海賊徐海等會賊入紹興大兵遇於江橋僅隔一河乃令土目田九霄邀其前同知曲入繩襲其後賊見兩兵渡河大怖而走宗憲笑曰賊若乘我兵半渡追擊勝負未可量今已投死地無能爲也聚衆圍之死者強半又荔浦賊八千餘人渡江東寇沈希儀以五百人待之賊將窺江希儀謀之諸將曰蛟龍灘潤滑石灘狹須奪其澗而致之狹乃可擊於是伐岸竹編篋爲繆揭竿爲旗使羸卒樹幟燃柴向蛟龍灘以惑之賊疑有備果趨滑石灘希儀預分兵兩岸潛以小艇載勁卒

伏葭葦中俟其半渡希儀乘艇順瀧急衝之兩岸伏軍  
謀而前水陸夾攻賊俱擠墜入淵盡俘之

軍行渡水附

唐馬燧討田悅悅哀散兵二萬守漳之長橋築月壘扼  
軍路燧於下流以鐵鑊維車數百絕河載土囊遏水而  
後渡

五代唐李存進爲振武軍節度使時晉軍德勝爲南北  
寨每以舟兵來往頗以爲勞而河北無竹石存進欲造  
浮橋軍使曰河橋須竹筏大輻兩岸石倉鐵牛以爲固  
欽定續通典 卷一百四 五  
今無竹木竊慮難成存進曰成算在心必有所立乃課  
軍造葦筏維大艦數千艘作土山巨木於岸以繫之初  
軍士以爲戲月餘橋成人皆服其智

晉攻梁楊劉晉王李存勗自負芻以堙塹遂破之後與  
梁相拒於楊劉梁將謝彥章決河水以隔晉軍晉軍渡  
水擊彥章破其四寨

周世宗幸淮上親領兵破賊砦砦在濠水東北十八里  
灘上其灘廣袤數里淮水浸而圍之乃濠上之咽喉也  
先是賊居其地泊舟楫以自固恃其四面水深謂王師

不能濟帝之將行也悉索行在橐駝以往臣寮咸不諭其旨及至命甲士數百人跨橐駝以濟帝又續領騎士相繼而渡一鼓而盡燼之獲其戰艦而迴

宋時南唐樊若水謀歸宋乃於采石江上乘小舟載絲繩其中維南岸疾抵北岸量江廣狹因詣闕上書言江南可取狀請造浮梁以濟師及宋用兵造舟數十艘乃先試於石牌口移置采石不差尺寸大兵渡江若履平地卒以克捷

兪和碩從羅索圍太原宋將种師中以兵十萬來援和碩擊敗之大軍至河無船不得渡羅索遣和碩循水上下和碩率軍三百自孟津而下度其可渡遂引軍以濟

欽定續通典

卷一百四

三

大軍於是皆繼之宋將郭京出兵數萬趨羅索營和碩從旁奮擊敵亂遂破之師還破敵於平陸渡得其船以濟又宗望伐宋宗弼從軍取湯陰縣降其卒三千人至御河宋人已焚橋不得渡赫哈蘇以七十騎涉之殺宋焚橋軍五百人宗望遣兵孝民先入汴諭宋人宗弼以三千騎薄汴城宋主出奔選百騎追之弗及獲馬三千而還又宗弼軍自杭州遂取秀州特嘉暉敗宋軍於平

江遂取平江阿里率兵先趨鎮江宋韓世忠以舟師扼江口宗弼舟小契丹漢軍沒者二百餘人遂自鎮江沂流西上世忠襲之奪世忠大舟十艘於是宗弼循南岸世忠循北岸且戰且行世忠艤幢大艦數倍宗弼軍出宗弼軍前後數里擊柝之聲自夜達旦世忠以輕舟來挑戰一日數接將至黃天蕩宗弼乃因老鸛河故道開三十里通秦淮一日一夜而成宗弼乃得至江寧達賚使伊拉固白天長趨江寧援宗弼烏凌阿托雲亦以兵來會連敗宋兵宗弼發江寧將渡江而北宗弼軍渡自

欽定續通典

卷一百四

三

東伊拉固渡自西與世忠戰於江渡世忠分舟師絕江流上下將左右掩擊之世忠舟皆張五綳宗弼選善射者乘輕舟以火箭射世忠舟上五綳著火箭皆自焚烟焰滿江世忠不能軍追北七十里舟軍殲焉世忠僅能自免宗弼渡江北還又赫舍哩志寧以臨海節度使都統右翼軍攻鄂斡鄂斡敗於長樂西走志寧追及於霧靄河賊已先渡依岸爲陣毀橋岸以爲阻志寧與賊夾河爲疑兵與萬戶瓜爾佳清臣圖克坦哈魯於下流設渡已渡前有支港岸斗絕其中泥濘乃東柳真藉士卒



畢濟行數里得平地將土方食賊奄至據南岡三馳下志寧陣堅力戰却之

元張榮從太祖征西域至莫蘭河不能涉召問濟河之策榮請造舟太祖曰舟卒難成濟師在何時榮請以一月爲限乃督工匠造舟百艘遂濟又楊奇扎噶師至徐州河不得濟探知賊兵有操舟楫伏澤中帥勁卒數人憑河擊之悉奪舟楫衆遂得渡又楊奇扎噶從安扎爾攻歸德奇扎噶麾諸將縛草作筏渡濠抵城下梯城先登拔之又世祖南伐駐蹕江渚令諸將南渡先達彼岸

欽定續通典

卷一百四

三

者舉烽火爲應鄭鼎首達南岸衆軍悉渡又世祖師至嘉陵白水交會勢洶急帝問船幾何可濟汪德臣曰大軍百萬非可延淹當別爲方畧卽命繫舟爲梁一夕而成如履坦途又巴延阿珠伐宋趨郢州遇水灤霖雨水溢無舟不能涉巴延曰吾且飛渡大江而憚此潢潦耶乃召一壯士負甲仗騎而前導麾諸軍畢濟次鹽山又先是襄樊兩城漢水出其間宋植木江中聯以鐵鎖中立浮梁以通援兵樊恃此爲固至是巴延師至漢口阿珠以機鋸斷木以斧斷鎖焚其橋襄兵不能援遂拔樊

城守將呂文煥懼而出降又舒穆魯安扎攻蜀敘州守將橫截江津不得渡安扎聚軍中牛皮作渾脫及皮船乘之與戰破其軍奪渡口爲浮橋以濟

明常遇春初從太祖渡江抵采石元兵陣磯上下聯大舟距三丈許莫敢先登遇春至太祖麾之前卽捨舟挺戈一躍而上衆披靡遂拔采石

禦敵水軍絕下流敗之

元武仙遣將盧秀李伯祥帥兵謀襲趙州并取瀝城率戰艦數百艘沿江而下王義具舟楫於紀家莊截下流

欽定續通典

卷一百四

五

邀擊之義士卒皆水鄉人善水戰回旋開闔往來如風兩船接則躍登彼舟奮戈疾擊敵莫能當大破之又巴延攻郢州郢在漢水北以石爲城宋人又於水南築新郢橫鐵繩鎖戰艦密樹椿木水中下流黃家灣堡亦設守備之具堡之西溝南通藤湖至江僅數里巴延乃遣將攻黃家灣堡拔之諸軍破竹席地盪舟由藤湖入漢

江

明傅友德征雲南進兵曲靖元梁王遣達爾瑪拒戰友德用沐英策勒兵至白石江與相拒揚聲欲渡而分遣

將以精卒數千潛從下流掩其背衆亂大德乃麾軍畢  
濟悉師薄之副將率鐵騎擣其中堅下流之師表裏合  
擊遂大破之

欽定續通典

卷一百四

美

聖德大經之

欽定續通典卷一百四

欽定續通典卷一百四

兵

因機設權

唐長孫晟討達頭晟謂突厥飲泉易可餌毒因取諸藥毒水上流達頭人馬飲之多死大驚曰天雨惡水其亡我乎因夜遁又王忠嗣在朔方每至互市時即高估馬價以誘之諸番聞之競來求市輒買之故番馬益少而漢軍益壯迨於天寶末戰馬蕃息賴其用焉又議討阿史那都支裴行儉請以立波斯王質子泥涅師為各路

欽定續通典

卷一百五

一

出二番因權制事可不勞而成功帝遣之至西州諸番郊迎召豪傑千餘人自隨揚言大熱宜駐軍須秋都支規知之不設備行儉召四鎮酋長偽約敗於是子弟願從者萬人乃陰勒部伍倍道而進去都支帳十餘里先遣其親問安否外若閒暇非討襲者又使人趣召都支都支本與遮旬計及秋拒使者已而聞軍至倉卒不知所出率子弟五百人請營謁遂擒之是日傳契箭召諸部酋長悉來請命并執送碎葉城簡精騎約齎襲遮旬道獲其使者釋之使諭其主言都支已擒狀遮旬遂降

又李光弼屯太原諸將慮兵少議修城爲備光弼曰太原城周四十里賊垂至而興役是先自困也乃於城外鑿河作塹及賊攻城用以增壘賊不得入又賊爲飛梯障以木幔築土山臨城光弼爲地道以迎之近城輒陷又撤民屋爲搯石車二百人挽之石所及輒數十人死復遣人詐與賊約刻日出降使潛穿地道於賊營中至期遣裨將將數千人出如降狀賊皆屬目俄而營中地陷賊衆驚亂乘之遂俘斬萬餘又張巡守雍邱令狐潮攻之設百樓巡柵城上束芻灌膏以焚焉賊不敢向巡

伺隙擊之賊敗走後潮復來攻城中矢盡巡夜縛藁爲人被以黑衣絕城下潮兵爭射之得矢數十萬後復夜絕人賊笑不設備乃以死士五百斫潮營潮軍大亂焚壘而遁又令狐潮圍雍邱城中薪水竭張巡給潮欲引衆走請退軍二舍使我逸潮許之遂空城四出三十里撤屋發木而還爲備潮怒圍復合巡徐謂潮曰君須此城歸馬三十四我得馬且出奔請君取城以藉口潮歸馬巡悉以給驍將約曰賊至人取一將明日潮責巡答曰吾欲去將士不從奈何潮怒欲戰陣未成三十騎突

出擒將十四斬百餘級收器械牛馬潮遁還陳留又張  
巡守睢陽賊尹子琦圍之巡欲射子琦莫能辨因剝蒿  
爲矢中者喜謂巡矢盡走白子琦乃得其狀使南霽雲  
射一發中左目賊還又德宗建中末渾瑊從德宗幸奉  
天爲行在都虞候與朱泚戰于城東不利賊遂乘勝奔  
突將入官軍與賊隔門相持自卯至午殺傷頗甚門內  
有草車數乘瑊乃令虞候高固等推車塞門焚之以禦  
乘火力鬪賊衆遂退又朱滔爲幽州留後成德軍李寶  
臣死其子惟岳謀襲滔與成德軍節度張孝忠征之大

欽定續通典

卷一百五

三

破於東鹿滔命偏師守之進圍深州惟岳乃統萬餘衆  
及田悅援兵圍東鹿敵將王武俊以騎三千方陣橫進  
滔繪帛爲狻猊象使猛士百人蒙之鼓譟奮馳敵馬驚  
亂隨擊大破之惟岳焚營而遁又賊朱泚遣將韓旻統  
領師三千疾馳奉天僞迎天子段秀實以爲此係危逼  
之時遣人諭大吏歧靈岳竊取泚將姚令言印不獲乃  
倒用己之司農印迫其兵旻至駱谷驛得符而還又王  
翊爲河中少尹有悍將凌正者橫暴擾軍政約至夜鼓

譟斬關以逐翊有告者翊縮夜漏數刻以差其期賊驚

遠遁遂誅正軍賴以安又康承訓與賊將王宏立戰令官軍斷賊所過橋柱且勿絕乃伏兵以待之賊過橋崩伏兵發盡殪之又唐末青州王師範遣張居厚以壯士二百爲輿夫伏兵輿中西馳梁軍稱師範使者聘梁因欲劫殺朱全忠居厚至華州東城華州將婁敬思疑其有異剖輿見其兵居厚遂劫殺敬思以兵攻西城不克而反又魏博羅紹威將誅牙軍乞兵於朱全忠全忠女嫁魏適死乃遣馬嗣勳以長直千人爲綵輿入魏致兵器輿中聲言助葬嗣勳館銅臺夜與魏新鄉鎮兵攻石柱門入迎紹威家屬衛之乃益取魏甲兵攻牙軍牙軍不知兵從何來莫能爲備殺之俱盡

欽定續通典

卷一百五

四

五代梁太祖屯軍於岐下晉軍潛襲絳州前軍不利晉軍恃勢而攻臨汾氏叔琮嚴備禦乃於軍中選壯士二人深目虬鬚貌如沙陀者令就棗陽縣牧馬於道側番寇見之不疑二人因雜其行間伺隙各擒一人而來晉軍大驚且疑有伏兵遂退據蒲縣又氏叔琮旣夜擊晉軍敗之已而兵大疫叔琮班師令曰病不能行者焚之病者懼皆言無恙乃以精卒爲殿而還至石會留數

騎以大將旗幟立於高岡晉兵疑其有伏乃不敢追  
唐符存審救河中泝人素輕蒲兵每遇遊騎挑戰必窮  
追襲存審初至率精甲千人內選二百處蒲人之間且  
壓賊壘賊出千騎結陣而追之遽見唐師大駭而走獲  
賊騎五十而旋自是賊軍懼戰

晉高祖時安從進蓄異志與安重榮陰相結託期爲表  
裏天福六年安重榮反高祖爲之幸鄴鄭王重貴留守  
京師宰相和凝曰陛下且北從進必反何以制之高祖  
曰卿意奈何凝曰臣聞兵法先人者奪人願爲空名宣

欽定續通典

卷一百五

五

勅十數通授鄭王有急則命將以往從進聞高祖北遂  
殺潘知麟以反鄭王以空名勅授李建崇郭金海等討  
之從進引兵攻鄧州不克進至湖陽遇建崇等大駭以  
爲神速復爲野火所燒遂大敗從進以數十騎奔還襄  
陽又周訪討賊張彥與賊隔水賊衆數倍訪自知力不  
能敵乃密遣人如樵採者而出結陣鳴鼓而來大呼曰  
左軍至士卒皆稱萬歲至夜軍中多布火而食賊謂官  
軍益至未曉而退

周世宗南征以李穀爲行營都部署攻自壽州始是時



南唐朱齊邱爲洪州節度使李景乃召齊邱璠金陵以  
劉彥貞爲神武統軍劉仁贍爲清淮軍節度使以拒周  
師李穀曰吾無水戰之具使淮兵斷正陽浮橋則我背  
腹受敵乃焚其芻糧退屯正陽是時世宗親征行至圍  
鎮聞穀退軍曰吾軍却唐兵必追之遣李重進急趨正  
陽曰唐兵且至宜急擊之劉彥貞等聞穀退軍果以爲  
怯急追之比及正陽而重進先至軍未及食而戰彥貞  
等遂敗

吳越王子錢俶督舟師與吳彭彥章戰權順風揚灰

欽定續通典

卷一百五

六

吳人不能開目及船舷相接權復散沙於船中而散豆  
於吳船豆爲戰血所漬吳人踐之皆僵仆因縱火焚之  
吳人崩潰

宋潘美伐南漢南漢人教象爲隊每象載十數人皆執  
兵仗將戰必至陣前以壯軍威美集勁弩射之象奔踞  
乘者皆墜反踐其軍遂大敗又軍校呂翰殺武懷節據  
嘉州叛曹翰及諸將奪其城謀賊約三鼓復來攻翰戒  
知更使緩向晨猶二鼓賊衆不集而潰因而破之又契  
丹犯邊李繼隆率諸將禦之太宗常授以陣圖及臨陣

有不便衆以上命不可違繼隆曰事有應變安可預定設獲違詔之罪請自當之卽便宜行事卒敗敵於徐河又周虎者據蕪湖縣邵青以舟船至蕪湖縣乃遣人與戰一日七敗叅議魏曦以小舟觀戰江中旣而告青曰吾知所以敗亦知所以勝矣彼以紅巾軟纏與吾之號相同故與戰則不能分彼我所以必敗宜易其號則勝矣青然之乃令其衆皆作鑽風角子俄附墨而行遇戰則去其紅巾惟見鑽風角子又用墨抹槍子眼下如伶人雜劇之戲者及口吹叫一戰而勝青遂駐於蕪湖又

欽定續通典

卷一百五

七

開禧用兵諸將皆敗唯畢再遇數有功敵常以水櫃敗我再遇夜縛藁人數十衣以甲冑持旗幟戈矛儼立成行昧爽鳴鼓敵人驚視亟放水櫃旋知其非真也甚沮乃出師攻之敵大敗

遼太宗再伐晉晉主遣趙延壽族人趙行實以書來招時晉人堅壁不出延壽給曰我陷敵久寧無父母之邦若以軍逆我卽歸晉人以爲然遣杜重威率兵迎之延壽至滹沱河據中渡橋與晉軍力戰手殺其將王靖兩軍相拒太宗潛由他渡濟留延壽與耶律霜庫據橋敵

不能奪屢敗之杜重威歸衆降又耶律色珍爲山西路兵馬都統宋將楊繼業陷山西諸郡各以兵守自屯代州色珍至定遇賀令圖軍擊破之追至五臺斬首數萬級明日至蔚州敵不敢出色珍書帛射城上諭以招慰意陰聞宋軍來救令都監耶律達薩夜伏兵險阨俟敵至而發城守者見救至突出色珍擊其背二軍俱潰追至飛狐斬首二萬餘級遂取蔚州又遼太宗太平末大延琳叛蕭巴爾將北南院兵往討遇於蒲水南院兵少却至手山復與賊遇巴爾乃易兩院旗幟鼓勇力戰破

欽定續通典

卷一百五

八

之

金宣宗興定二年宋高太尉兵三萬駐胸山完顏霆軍乏糧采野菜麥苗雜食之宋兵柵胸山下隔湖港霆作港中暗橋遣萬戶胡仲珪副統劉贊率死士由暗橋登山霆率兵四千人趨山下約以昏時舉火爲期上下夾擊宋兵六敗墜澗溺水死者不可勝計斬高太尉彭元帥于陣餘衆潰去又元光二年夏人步騎數十萬攻鳳翔甚急元帥持嘉喀齊喀以郭哈瑪爾總領軍事從巡城濠外一人坐胡牀以箭力不及氣貌若蔑視城守者

喀齊喀指以示哈瑪爾云汝能射此人否哈瑪爾測量遠近曰可哈瑪爾平時發矢伺腋下甲不掩處射之無不中卽持弓矢伺坐者舉肘一發而斃又郭哈瑪爾與鞏州元帥田瑞攻取會州哈瑪爾率騎兵五百皆被楛納蔽州之南山而下夏人猝望之以爲神城上有舉手於懸風版者哈瑪爾射之手與版俱貫凡射死數百人夏人震恐乃出降

元師伐交趾其國主陳日照隔江列象騎步卒甚盛烏蘭哈達分軍爲三隊濟江徹辰圖從下流先濟大師居

欽定續通典

卷一百五

九

中駙馬懷都與阿珠在後仍授徹辰圖方畧曰汝軍旣濟勿與之戰彼必來逆我駙馬隨斷其後汝伺便奪其船蠻若潰走至江無船必爲我擒矣又攻文州守將劉祿數月不下謀知城中無井乃奪其汲道率勇士梯城先登殺守陴者數十人遂拔其城又劉元振守瀘州權造金銀牌分賞將士未幾援兵至內外合擊敗之捷聞自陳其擅造金銀牌罪帝嘉其權變賜賚甚厚又宋以巨艦載甲士數萬屯清河浮橋相距七十日水暴漲浮橋壞西岫軍多漂溺舒穆魯安扎軍東岸急撤浮橋聚

舟岸下士卒得不死

明太祖以滁州乏糧欲取和陽以自固乃言於滁王曰  
向攻民寨得廬州路義兵號衣今選勇敢士三千令青  
衣佯爲元兵以四駱駝載賞物使人聲言廬州兵送使  
者入和陽宣犒將士復命耿再成將絳衣兵爲繼候青  
衣薄城絳衣繼至城必破矣已而絳衣兵先至與元兵  
戰青衣兵復繼之遂入據其城又廖永忠攻瞿塘以敵  
據關口設鐵索飛橋亘江上舟不得進乃密遣壯士數  
百人舁小舟衣青篋衣緣山伏草木中行渡關人各持

欽定續通典

卷一百五

十

糗糧挈水筒以禦饑渴魚貫出山石間守關者不覺旣  
渡險夜以小舟入江繞出敵背永忠等與約期度已入  
江乃率精兵出黑葉渡分兩道夜五鼓以一軍攻其陸  
寨一軍攻其水寨將士皆以鐵裹船頭置火鎗火器前  
進黎明蜀人盡銳來攻永忠已破陸寨亡何將士舁舟  
者自上流俱發揚旗鼓譟而下蜀人大駭不知其兵所  
自來也下流舟師並進夾攻大破之焚三橋橫江鐵鎖  
須臾鎔絕斬溺死者無算又傅友德湯和駐兵延安以  
防西邊巴延特穆爾僞請和上乃陽召和還而留友德

以誘之特穆爾果入寇友德設伏縱擊大破之又傅友德圍成都戴壽向大亨以象載甲士出戰友德命前鋒李德英以弓矢火器衝之象皆中矢卻走壽等兵大敗乃籍府庫倉廩甲兵之數詣降又成祖趨宿州諜報平安馬步兵四萬來成祖曰此瀕河多林木彼必疑有伏泚河地平少樹彼不疑可伏兵遂親率騎二萬持三日糧至泚河接伏勅諸軍皆束炬相屬於道戒之曰俟與敵戰則舉火一炬舉餘炬皆應但一敗其前鋒彼自奪氣乃令王真劉江各將百騎往逆之戒以緣路按伏遇

欽定續通典

卷一百五

十一

敵誘入伏與戰又令王真束草寘囊中如束帛狀載馬上敵來追擲於地使敵往取亂之真等果與平安軍遇敵追至擲囊草餌之衆皆競取行伍稍亂又入伏內伏發敵衆敗走又成祖與盛庸戰于交河庸軍士擁盾自蔽矢石不能入燕軍預作木鑽長六七尺橫貫鐵釘於上釘末有逆鈎令勇士直前擲之連貫其盾亟不得出動則牽連不可以蔽遂乘其空隙攻之庸軍棄盾走騎兵乘之而入遂大潰又張輔入安南城賊在城內驅象

爲陣輔以畫獅蒙馬當象仍以神銃翼而前象皆股栗

多中銃箭傷遂退走賊衆潰亂死者不可勝計又陶成  
僉事浙江時處州寇葉宗留等爲亂成至金華令軍中  
製竹筩三百五十面筩如牌製糊以紙畫獸形可禦賊  
槍乃兼程進處州界時賊衆萬人出山索戰官兵分三  
陣奮擊賊被射死者三百餘人持槍者多爲竹筩所制  
蓋槍入竹隙急不得出多被擒獲賊大潰又仇鉞爲寧  
夏副總兵值寘鐠反鉞在城中詐稱病陰約遊兵壯士  
候官兵至河上從中發爲內應俄而覘知兵至鉞誘賊  
將何錦出城留賊周昂城守鉞復稱病亟昂入問疾鉞

欽定續通典

卷一百五

十一

令蒼頭捶殺之卽起披甲仗劍跨馬一呼諸遊兵壯士  
皆集遂奪城門擒寘鐠又楊銳守安慶宸濠叛兵犯城  
於北濠爲木棧與城接挾兵而進銳詭以大將軍火銃  
實石被緋金鼓置城上寇望見大潰潛使卒從間道出  
燒棧絕俟賊懈募善泅者入賊船乘其熟睡斬首絕其  
纜放之江中或於岸上舉火礮擊其營乘亂捕殺聲震  
數里賊遁又張岳爲督撫駐師辰州因苗魁龍許保吳  
黑苗等倡亂岳檄石邦憲等密遣使入寨計擒龍許保  
賄令聽撫又懸賞購之苗吳老獍等窺龍許保至龍田

寨所親家弔喪誘至別寨飲酒醉而縛之遣人報邦憲以兵取之去疏聞誅之又詢知吳黑苗以捕急故深自匿岳乃緩其令所羈執親屬盡釋令去密督土官廉得其處遣兵劉甫等徑入其寨襲斬之又鄒文盛爲都御史奉命剿除清平苗乃相賊巢險易分兵哨由隘路五處刻期進抵香爐山壁立陡絕賊皆築砦柵守禦官兵稍近則木石毒弩俱下官兵用火銃焚其寨柵隨以水沃滅之諸將仰攻不克乃以意製鐵猫爬山虎繩梯等具督令精兵昧爽附山下緣崖猿攀相引去拔其外柵

欽定續通典

卷一百五

三

賊死戰禦之復採木製揚橋戰樓高與賊寨埒約接近可攀登者遂乘夜雷雨大作規賊不備昇前攻具附崖先登斬關拔柵縱火焚賊廬舍四面夾攻賊退據後山重險間乃先遣人入寨與約誘至山前招撫之使命往復故延久賊果聚前山觀聽山後備稍弛諸將齊登衆官兵已奪險賊倉卒不能禦遂乘勝入擣崖峒擒賊首阿傍等斬獲甚衆又土司岑濬叛誅之以蠻徐五韋貴爲土巡檢聽於流官蠻民常思故主有狡蠻託言濬子冒名岑金諸蠻立爲小主扇召爲亂而揚留者爲濬腹



心澹死無所歸應沈希儀募留賓州至是欲往投金希  
儀婉色好語曰汝第往復低聲曰聞金乃澹第九子岑  
氏其有後乎且呼至密所曰金欲官非賂我萬金不可  
瀕行復召謂曰我幾忘之貴五素仇汝亦仇金可善備  
之留詣金具如希儀言金大喜因率兵五千人之賓希  
儀漸以計諷金使遣其兵還巢覲金左右孤乃擒金斬  
之

多方誤之

唐柴紹爲右驍衛大將軍高祖武德中吐谷渾與党項

欽定續通典

卷一百五

酉

俱來寇邊命紹討之敵據高臨下射紹軍中矢下如雨  
紹乃遣人彈琵琶二女子對舞敵異之駐弓矢而相與  
聚觀紹見敵陣不整密使精騎自後擊之敵大潰斬首  
五百餘級又李孝恭討蕭銑破銑三鎮縱戰艦放江中  
曰令銑瀕江鎮戍見舳艫蔽江下必謂銑已敗不卽進  
兵覘候往返以引救期則吾已拔江陵矣已而救兵到  
巴陵見船疑不進銑內外阻絕遂降又僕固懷恩爲李  
光弼右廂兵馬使光弼守河陽命懷恩收懷州城官軍  
頻不利懷恩設策潛通地道取賊號詐傳號令賊軍亂

遂收懷州城生擒僞刺史及軍將等送闕下又唐末晉  
王李克用圍李存孝于邢州將掘塹以困之存孝出兵  
衝擊塹不得成裨將袁奉翰使人說存孝曰公所畏者  
晉王耳王俟塹成且留兵去諸將非公敵也存孝以爲  
然縱兵成塹塹成深溝高壘不可近存孝遂窘食盡而  
降

五代梁朱溫以岐人堅壁不戰且慮師老思欲旋旆以  
歸河中因密召上將數人語其事時親指揮使高季昌  
獨前出抗言曰天下雄傑窺此舉者一歲矣今岐人已  
欽定續通典 卷一百五 五

困願少俟之溫嘉其言因曰兵法以正合以奇勝奇者  
詐也乘機集事必由是乎乃命季昌密募人入岐以給  
之尋有騎士馬景堅願應命許之躍馬西走直叩岐闔  
遁矣宜速掩之茂貞信其言遽啟二扉悉衆來寇時諸  
軍已介馬待之中軍一鼓百營俱進又分遣數百騎以  
據其闔岐人進不能駐其趾退不能入其壘殺戮蹂踐  
不知其數茂貞由是喪膽但閉壘而已又梁葛從周圍

兗州兗人不出從周詐揚言并人來救卽引兵趨高吳

夜半潛却歸若朱瑾果出兵攻外壕我軍士突出掩殺千餘人

唐將符存審因朱全忠攻修援兵不至思以奇計破之乃引兵扼下博橋遇梁軍樵採者殺之縱數人回曰晉王大軍至矣時全忠方攻城未及置營存審命二將各引三百騎效梁軍旗幟服色與樵芻雜行暮至縱火大噪弓矢亂發梁軍驚駭前縱者回復曰晉大軍至矣全忠夜遁又後唐明宗兵變招平盧節度符習從之監軍楊希望以兵圍習家屬將殺之指揮王公儼素爲希望所信給以習家不足慮宜分兵守城以虞外變希望信之乃悉分其兵守城公儼因擒斬之

欽定續通典

卷一百五

七

漢隱帝乾祐初王景崇盜據岐山不受代命趙暉爲西南面行營都部署統兵討之時李守貞叛蒲趙思綰據雍景崇皆援之及引蜀軍出大散關勢不可遏暉領兵數千塹而圍之屢使人挑戰賊終不出暉乃潛使千餘人於城南一舍之外擐甲執兵僞爲蜀兵旗幟循南山而下詐合諸軍聲言川軍至景崇乃令數千人潰圍而出以爲應援暉設伏而待一鼓而盡殲之自是景崇膽

破不復敢出明年拔之

宋太祖開寶中伐金陵自荆渚乘戰艦而下以黃州刺史王明領戰艦爲江路巡檢南唐將朱令贇自湖口領兵十五萬連大艦沿流而下將焚采石浮梁直抵金陵爲援明請益舟師以襲令贇帝曰非應急之策也令贇朝夕至金陵之圍解矣乃密遣人諭明令於洲浦間多立長木若帆檣之狀令贇望見果疑我師襲其後逗留不進移檄諸軍生擒令贇又張齊賢知代州契丹薄城齊賢約潘美以并師會戰使爲契丹所執俄而美使至欽定續通典

卷一百五

七

云師出至栢井得密詔不許出戰已還州矣齊賢曰敵知美之來而不知美之退乃夜發兵二百人持一幟負一東芻距州西南三十里列幟燃芻契丹遙見火光中有旗幟謂并師至駭而北走齊賢預伏步卒二千於土鐙砦邀擊大敗之契丹遁去又孟珙因元兵窺江令諸軍變易旌旗服色循環往來夜則列炬照江數十里相接破砦二十有四

遼太宗會同八年圍鎮州先遣候騎報晉兵至遣精兵

斷河橋晉兵退保武強南院大王達年將軍高模翰分

兵由瀛州間道以進杜重威等退保中渡寨義武軍節度使李殷以城降遂進兵夾滹沱而營于中渡寨三里分兵圍之夜則列騎環守晝則出兵抄掠復命大內特哩衮耶律碩格及趙延壽分兵圍守自將騎卒夜渡河出其後攻下欒城降騎卒數千分遣將士據其要害下令軍中預備軍食三日不得舉烟火但獲晉人卽黥而縱之諸饋運見者皆棄而走於是晉兵內外隔絕食盡勢窮杜重威李守貞張彥澤等率所部二十萬衆來降金穆宗使布展守阿蘇城阿蘇在遼不敢歸遼使爲阿欽定續通典

卷一百五

六

蘇來穆宗聞之使烏林阿舒魯濟師且戒布展令易衣服旗幟與阿蘇城中同色使遼使不可辨遼使至乃使富察部呼魯貝勒穆遜貝勒與俱至布展軍而軍中已易衣服旗幟與阿蘇城中如一遼使果不能辨布展詭曰吾等自相攻于汝何事誰識汝之太師乃刺殺呼魯穆遜所乘馬遼使驚怖走去遂破其城

元烏蘭哈達進至烏蠻所都押赤城城際滇池三面皆水旣險且堅選驍勇以砲摧其北門縱火攻之皆不克乃大震鼓鉦進而作作而止使不知所爲如是者七月

伺其困之夜五鼓遣其子阿珠潛師躍入亂斫之遂大潰又張宏範攻宋主於崖山授李恒戰艦二使守北面將戰或請用砲宏範曰火起則舟散不如戰也明日四分其軍軍其東南北三面宏範自將一軍相去里許令曰聞吾樂作乃戰違者斬先麾北面軍乘潮而戰不克恒等順潮退樂作宋將以爲且寡少懈宏範舟師犯其前衆繼之預構戰樓於船尾以布幔障之命將士負盾而伏令曰聞金聲起戰先金而動者死飛矢集如蝟伏盾者不動舟將接鳴金撤障弩弓火兵交作頃刻併破

欽定續通典

卷一百五

九

七舟宋師大潰又阿珠軍還宋兵邀襄樊間阿珠乃自安陽濟江留精騎三千陣牛心嶺復立虛寨設疑兵是夜敵果至斬首萬餘級

明王守仁討泃頭賊破其巢餘賊奔九連山守仁以九連深險不易攻乃使精卒七百六賊衣佯若奔潰者賊從崖上招呼與相應久而賊覺之則師已度險賊狼狽失據大軍感之皆就縛又沈希儀征苗苗或走之他巢則揚聲曰某巢舍姦宜並勦他巢人驅賊走轉而之他巢則又嚇之他巢又恐驅賊走於是賊走無所躡血踵

以死或餒卧屋石希儀又嘗以風雨晦冥夜察賊所止遣人衣氈帽與草同色潛伏賊所夜發火炮以驚之賊大駭曰老沈至矣挈妻子蒲伏上山頂兒啼女咷他巢皆然於是苗人相告以爲其巢皆有希儀夜來及陰詗之希儀固在叅府未出也自此賊多易面爲熟狻柳城旁雖童子牽牛行深山中無敢訶者

### 先攻其心

唐太宗謂李靖曰朕常臨陣料敵之心與已之心孰審然後彼可得而知焉察敵之氣與已之氣孰治然後已

欽定續通典

卷一百五

十

可得而知焉李靖曰攻其心者是所謂知彼者也守吾氣者是所謂知己者也又唐李抱真時僕固懷恩反上憂其結連回紇兵馬強盛召抱真問之對曰郭子儀常領朔方軍士卒至今感悅懷恩欺其下以子儀爲朝恩所殺今起而用之可不戰而解也已而用子儀敗懷恩果如其策

金耶律伊都自遼來降都統杲等言耶律瑪克展伊都

烏克紳道喇等謀叛宜早圖之

按金史伊都傳作耶律瑪克展告伊都烏克紳

道喇等謀叛是瑪克展告謀叛之人非謀叛之人也今據帝紀纂入與傳互異謹附訂於此

太祖召

伊都從容謂之曰朕得天下皆我君臣同心同德以成大功固非汝等之力今聞汝等謀叛若誠然即必須鞍馬甲冑器械之屬當悉付汝朕不食言若再爲我擒無望免死欲留事朕無懷異志吾不汝疑伊都戰慄不敢對命杖道喇七十餘並釋之

元師與王禪鏖戰於白浮之野周旋馳突戈戟屢摩雅克特穆爾手斃七人會日晡對壘而宿夜二鼓遣精銳百騎鼓譟射其營敵果驚擾互自相擊至旦始悟人馬死傷無數及王禪集散卒成列出山元師駐白浮西堅

欽定續通典

卷一百五

五

壁不動是夜又命薩敦潛軍繞其後部曲巴圖爾壓其前來營吹銅角以震盪之敵心膽俱落不悟而亂自相搃擊三鼓後乃西遁遲明追及昌平大敗之

明成祖初起兵靖難以居庸關天險北平襟喉也必據此方可免北顧憂聞俞瑄等欲來攻吾城莫若乘其初至衆心未定取之遂令徐安等攻奪居庸關城瑄走依宋忠於懷來所擁兵皆燕府軍欲爭居庸諸將以衆寡不敵爲疑成祖曰當以智勝力非所論也遂帥馬步精

銳八千捲甲倍道進獲謀者言宋忠激怒其將士云爾



等家在北平者皆被殺無遺矣成祖命各家人張所舊用旗幟爲先鋒又見父兄弟無恙相呼應皆大喜多降者麾兵渡河擊破之山外諸州響應又王信鎮守湖廣時靖州武岡蠻久不靖守臣議欲剿之信巡邊召諸苗面諭禍福且犒以牛酒詰其背亂之由皆曰累歲苦麾使徵索故作亂今將軍待我如此方願爲屬役尙敢反耶於是諸蠻率服又項忠因鄖陽賊劉鬍子等煽惑流民作亂督兵討之謂流民逃聚山谷其始非擬爲寇勢多脅從民去官府遠旣陷盜中遂不能自脫耳乃遣

欽定續通典

卷一百五

三

人持榜入山招諭有能去賊自歸者禁勿殺於是民多攜老幼纍纍來歸賊勢遂不振然後縱兵擊負固不服者斬獲甚衆劉鬍子爲其黨所殺又馬平猺韋扶諫兇猶甚嘗弋捕之不能得會有報扶諫逃隣苗三層巢者沈希儀率兵討之至巢則賊已與三層苗往劫他所乃俘三層猺之妻子以歸閉空室中善飲食之時使狼兵怒而挺刃獍狴入室作欲捨狀希儀佯執鞭痛鞭狼兵退如是者三以深德諸婦女而潛使諸猺聞之以繫其心並使人謂婦女言幕府得扶諫卽釋爾等歸巢乃縱

諸獠來視其妻子則相持諸獠哭曰非沈公吾等爲狼  
兵殺且搶已而相怨詈曰咄扶諫非汝命娘何不縛以  
贖我諸獠心割而別於是曲誘扶諫卒縛以獻而贖其  
妻子

奪敵心計

唐裴矩爲黃門侍郎以始畢可汗本淳易可離間但由  
其內多羣羌桀黠教導之間史蜀胡悉尤多奸計幸於  
始畢請誘殺之因遣人告胡悉曰天子出珍物今在馬  
邑欲共番酋多作交關若前來者卽得好物胡悉貪而

欽定續通典

卷一百五

三

信之不告始畢率其部盡驅六畜星馳爭進冀先互市  
矩伏兵馬邑下誘而斬之詔報始畢曰史蜀胡悉忽領  
部落走來至此云背可汗請我容納突厥既是我臣彼  
有背叛我當共殺今已斬之故令往報

五代晉馮暉鎮靈武時前官失邊鄙心大爲患暉募兵  
千餘行至梅戍番人稍稍來謁暉顧首領一人指其佩  
劍曰此板橋王氏劍耶吾聞王氏劍天下利器也俯而  
取諸腰間若將斲之因擊殺首領其從騎十餘人皆殺  
之裨將藥元福曰今去靈武尙五六百里奈何暉笑曰

此土番之豪部族之所恃也吾能殺之其餘豈敢動哉  
已而諸族皆以兵扼道路暉以言譬諭之獨所殺首領  
一族求戰卽與之戰而敗走諸族遂不敢動

宋岳飛討楊么所部皆西北人不習水戰曰兵何常顧  
用之何如耳先遣使招諭之會張浚督軍至見之飛曰  
水戰我短彼長攻之所以難若因敵將用敵兵奪手足  
之助離腹心之託使孤立而後乘之不八日可破賊後  
賊平果如期浚服其神算

遼聖宗統和間征高麗破康肇軍於銅州耶律揚珠之

欽定續通典

卷一百五

十四

力爲多王詢乞降羣臣議皆謂宜納揚珠曰王詢始一  
戰而敗遽求納欵此許耳納之恐墮其姦計待其勢窮  
力屈納之未晚已而詢果遁清野無所獲其衆阻險而  
壘攻之不下揚珠以計降

金熙宗天眷元年以鎮國上將軍昂尹東平明年宋將  
岳飛以兵十萬號稱百萬來攻東平東平有軍五千倉  
卒出禦之時桑柘方茂昂使多張旗幟於林中以爲疑  
兵自以精兵陣於前飛不敢動相持數日而退昂勒兵  
襲之至清口飛衆泛舟逆水而去時霖雨晝夜不止昂

乃附水屯營夜將半忽促衆北行諸將諫曰軍士遠涉泥淖饑憊未食恐難遽行昂終不應鳴鼓督之下令曰鼓聲絕而敢後者斬遂棄營去幾二十里而止是夜宋人來劫營無所得而去諸將入賀且問其故昂曰沿流而下者走也汭流而上者誘我必追也今大雨泥淖彼舟行安我陸行勞士卒饑乏弓矢敗弱我軍居其下流勢不便利其襲我必矣衆皆稱善

元納延叛諸王諾延等皆應之帝問計將安在阿穆爾巴哈對曰臣愚以爲莫若先撫安諸王乃行天討叛者

欽定續通典

卷一百五

五

勢自孤矣帝曰善卿試爲朕行之卽北說諾延曰大王聞納延反耶曰聞之曰大王知納延已遣使自歸耶曰不知也曰聞大王等皆欲爲納延外應今納延既自歸矣是獨大王與主上抗幸主上聖明亦知非大王意置之不問然二三大臣不能無惑大王何不往見上自陳爲萬全計諾延悅許之於是諸王之謀皆解又劇賊蘇仲集潰卒據鎮龍山稱王劫掠於外耕植於內秋聞大兵至則僞出降其心恃有廬柵之固禾稼之富而官軍畏暑又不敢深入故橫象賓貴四州皆被其害史格至

築堡於外守以土兵令官軍火其廬柵踐其禾稼仲窮  
感遂降

明徐達圍常州張士誠弟士德率衆數萬來援達奮擊  
破之士德墜馬被擒太祖大喜曰張士誠謀主士德其  
人智勇足備今被我擒張氏之成敗可知矣又沐春討  
雲南叛酋阿資謂其衆曰大兵連年不獲此寇者以彼  
恃其地多險阻各處土酋皆姻娅得以匿之耳今悉調  
土酋從征俾不能通復多置營堡制其出入彼將無所  
逃矣乃進兵至赤窩果獲阿資斬之諸夷讐服又田州

欽定續通典

卷一百五

美

平岑猛死安置猛子於福建議設流官沈希儀曰思恩  
設流官反側至今未愍若田州復然兩賊且合不聽田  
州蠻盧蘇果與思恩蠻王受連兵劫城希儀又曰兩寇  
以復故主爲名故能用其衆今若返岑邦相於福建置  
之南寧則衆散交離兩寇坐縛矣不聽用兵無功姚鎮  
罷黜以王守仁代卒用儀策始撫定



